

NO. SOALAN: 484

**PEMBERITAHUAN PERTANYAAN BUKAN LISAN DEWAN RAKYAT
MESYUARAT KEDUA, PENGGAL KEDUA
PARLIMEN KEEMPAT BELAS**

PERTANYAAN : BUKAN LISAN

DARIPADA : PUAN WONG SHU QI [KLUANG]

SOALAN NO. 484

Minta **MENTERI PENDIDIKAN** menyatakan bilangan pelajar lepasan program diploma di bawah IPTA yang membuat permohonan melanjutkan pengajian di IPTA, bilangan golongan tersebut yang ditawar masuk ke IPTA dan bilangan golongan tersebut yang berjaya ditawar dengan pilihan pertama dari tahun 1990 hingga 2018, dengan pecahan setiap tahun.

JAWAPAN

Untuk makluman Ahli Yang Berhormat,

Kementerian Pendidikan Malaysia (KPM) mengamalkan prinsip meritokrasi yang mengguna pakai 90 peratus markah akademik dan 10 peratus markah kokurikulum di dalam pemilihan kemasukan pelajar ke Institusi Pendidikan Tinggi Awam (IPTA) dan Institut Latihan Kemahiran Awam (ILKA).

Berdasarkan prinsip meritokrasi, semua calon yang layak dengan markah merit tertinggi tanpa mengira kaum, agama, negeri, taraf hidup dan tempat tinggal diberi peluang untuk mengikuti pengajian di IPTA dan ILKA. Calon-calon yang layak dan memenuhi Syarat Am, Syarat Khas Program Pengajian serta kriteria pemilihan yang telah ditetapkan akan

NO. SOALAN: 484

dipertimbangkan berdasarkan kepada pilihan program pengajian yang dipohon oleh calon.

Bagi tempoh lima tahun iaitu bagi sidang akademik 2014/2015 sehingga sidang akademik 2018/2019, secara purata KPM telah menerima sebanyak 31,210 permohonan dari pelajar lepasan Diploma yang berminat untuk melanjutkan pengajian ke program pengajian peringkat Ijazah Sarjana Pertama di universiti awam. Dari jumlah tersebut, sebanyak 24 peratus (7,630 orang) telah ditawarkan program pengajian dan 11 peratus (3,443 orang) ditawarkan pilihan pertama.

RT64/484